

Morning Regional Dogri News Bulletin, 25 September 2024



Headlines

- 1- जम्मू-कश्मीर विधानसभा चुनावों के लिए गेड़ तैह त अज्ज 6एं जिलें च फैली दिएं 26 असैम्बली सीटें लेई मतदान जारी ऐ। 25 लक्ख 78 जहार मतदाताएं लेई 3 जहार 502 मतदान केंद्र बनाए गेदे न।
- 2- साबका मुखमंत्री उमर अब्दुल्ला, प्रदेश कांग्रेस के प्रमुख तारिक करी ते प्रदेश बीजेपी के प्रमुख रविंदर रैणा हुंदे समेत 239 मेदवारें के सियासी भविष्य के फैसला अज्ज वोटिंग मशीनें च बंद होई जाग।
- 3- प्रधानमंत्री नरेंद्र मोदी ते गृह मंत्री अमित शाह होंरें मतदाताएं गी अपील कीती ऐ जे लोकतंत्र की मजबूती लेई वोट जरूर पान।
- 4 जम्मू-कश्मीर विधानसभा चुनावों के त्रीए गेड़ लेई प्रचार तेज, सब्बनें पार्टिं दे बड़ो लीणर ते स्टार प्रचारक मतदाताएं गी अपने हक्के च करने लेई बड़ो पैमाने पर रैलियां ते रो शो करा'रदे न। कांग्रेस लीणर राहुल गांधी अज्ज जम्मू ते सोपोर च प्रचार करडन। प्रधानमंत्री मोदी 28 सितंबर गी बीजेपी के हक्के च जम्मू च रैली करडन।
- 5 मुख सचिव अटल पुल्लू होंरें बिजली के बेहतर बंडू सरिस्ते सरबंधी R.D.S.S योजना तैह त कम्में की प्रगति के जायजा लैता ते कम्में गी तेजिया कन्ने तोड़ चाढ़ने लेई आखेआ।



Polls Phase II

जम्मू-कश्मीर विधानसभा चुनावों के लिए गेड़ तैहत् अजज केंद्र शासित प्रदेश के 6 जिलों के फैली दिएं 26 विधानसभा सीटें लेई अजज वोट पोआए जा करदे न। मतदान बोलै ठीक 7 बजे शुरू होई गेआ हा ते बोलै सवेले दा गै लोक मतदान केंद्रों पर वोट पाने लेई किट्ठा होना शुरू होई गेदे हे। जिनें जिलों के अजज वोट पोआए जा करदे न, उंदे के जम्मू प्रांतों के राजौरी, पुंछ ते रियासी ते कश्मीर घाटी दा श्रीनगर, गांदरबल ते बगाम जिले शामिल न। चुनाव पूरी चाल्ली साफ सुथरे, पारदर्शी ते बवस्था आहले ढंगे सिर करोआने लेई सुरक्षा सने लोडचदे सब्बे बंदोबस्त कीते गेदे न। अजजे के मतदान के कोई 25 लख 78 जहार मतदाता चुनाव मैदान के उतरे के 239 मेदवारों के सियासी भविक्ख दा फैसला करंगन जिंदे लेई 3 जहार 502 मतदान केंद्र बनाए गेदे न। इस गेड़ तैहत् कश्मीर घाटी थमां विस्थापित होए के 15 जहार 500 कोला मते योग्य मतदाताएं के वोट पाने लेई 24 विशेष मतदान केंद्र बनाए गेदे न। 18 सितंबर गी होए के पैहले गेड़ तैहत् 61 प्रतिशत कोला मता मतदान दर्ज कीता गेआ हा। त्रीए ते खीरी गेड़ तैहत् वोट पैहली अक्टूबर गी पोआए जाडन। वोटों की गिनतरी अगले म्हीने की 8 तरीक गी कीती जाग।

राजौरी के मतदान गी लेइए लोकें अंदर जबरदस्त जोश दिक्खने गी लब्बा'रदा ऐ। स्हाड़े जिला संवादाता शक्ति शर्मा नै वोट पाने आए के किश नौजवानें कन्ने गल्ल कीती ते उंदा आखना हा।



Polling-Poonch

पुंछ जिले के बी मतदान पूरी चाल्ली रमानदारी ते बवस्था आहले ढंगे सिर जारी ऐ जित्थे मतदाताएं की सुविधा लेई 483 मतदान केंद्र बनाए गेदे न। पुरानी पुंछ के सरकारी हाई स्कूल

च बनाए गेदे मतदान केंद्र च स्हाड़े जिला संवाददाता कन्नै गल्ल करदे होई पैहली बारी वोट पान आए दे मतदाता राजेश शर्मा होरें मतदान करने पर बड़ा उत्साह प्रगट कीता ते आखेअ जे उनें वोट पुंछ दे विकास लेई पाया ऐ। मतदान केंद्र पर पुज्जे दे पैहले त्रै मतदाताएं उत्थे इक-इक बूहटा बी लाया जेड़े समाजी ते पर्यावरण प्रति जिम्मेदारी दा बी प्रतीक ऐ। पुंछ थमां स्हाड़े जिला संवाददाता अनुभव मिसरी दी इक रिपोर्ट।



Key leader

अज्ज होआ करदे जम्मू-कश्मीर विधानसभा चुनां दे दुए गेड़ दे मतदान च जिनें प्रमुख लीपरे दे सियासी भविक्ख दा फैसला अज्ज वोटिंग मशीनें च बंद होई जाग, उंदे च बागाम ते गांदरबल सीटें परा चुनां लड़ा रदे साबका मुखमंत्री उमर अब्दुल्ला बी शामिल न। उंदे अलावा जम्मू-कश्मीर कांग्रेस दे अध्यक्ष तारिक हमीद करी जेड़े सेंट्रल शालटेंग थमां इक प्रमुख दावेदार मन्ने जा करदे न, बीजेपी दे जम्मू-कश्मीर दे अध्यक्ष रविंद्र रैना राजौरी जिले दी नशैहरा सीट परा चुनां लड़ा करदे न, ओब्बी इक मजबूत मेदवार मन्ने जांरदे न। रविंद्र रैना होरें 2014 दे विधानसभा च बी जित हासिल कीती ही। तोआई बीरवाह ते गांदरबल सीटें पर चुनां लड़े करदे जेलै च बंद धर्म प्रचारक सर्जन अहमद बागे उर्फ बरकती बी लोकसभा चुनां च इंजीनियर रशीद आंगर जेलै अंदर रेइए जित हासिल करने दी मेद कन्ने चुनां मैदान च न। साबका मंत्री जुगल किशोर शर्मा बतौर अजाद मेदवार श्री वैष्णो देवी सीट पर बुद्धल थमां बीजेपी दे चौधरी जुल्फकार अली, थन्नामंणी थमां कांग्रेस दे शबीर अहमद, साबका विधानसभा पार्श विबोध गुप्ता राजौरी थमां बीजेद दे मेदवार, थन्नामंणी थमां पीपीपी दे चौधरी कमर हुसैन,

श्री वैष्णो देवी सीट पर बीजेपी दे बलदेव राज, नशैहरा थमां नेशनल कांफ्रेंस दे सुरेंद्र चौधरी, गुलाबगढ़ थमां आजाद मेदवार अजीज खान ते रियासी थमां कांग्रेस दे मुमताज खान ते किश होर मेदवारें पर सियासी माहिरें दियां नजरां विशेष तौरा पर टिकी दियां न।

<><><><><><>

J&K Polls PM

जम्मू-कश्मीर दे 26 असैम्बली हलकें च अज्ज दुए गेड़ तैहत वोट पुआए जा करदे न ते एहदे मद्देनजर प्रधानमंत्री नरेन्द्र मोदी होरें लोकें गी अपील कीती ऐ जे ओह वोट पाइयै लोकतंत्र गी मजबूत बनाने दी इस प्रक्रिया च अपनी भूमिका निभान। सोशल मीडिया दी इक पोस्ट च प्रधानमंत्री होरें पैहली बारी वोट पान जा'रदे युवाएं गी मुबारकबाद दिती ऐ। तोआई केन्द्री गृह मंत्री अमित शाह होरें बी सोशल मीडिया मंच एक्स पर सब्बनें मतदाताएं गी अपील कीती ऐ जे ओह जम्मू-कश्मीर च अज्ज दुए गेड़ दे चुनां तैहत पक्क गै वोट पाने दे अपने हक्के दा इस्तेमाल करन तांजे जम्मू-कश्मीर गी आतंकवाद-मुक्त ते विकसित बनाया जाई सकै। उनें लोकें गी आखेआ ऐ जे ओह इक ऐसी सरकार बनाने लेई मतदान करन जेहड़ी जम्मू-कश्मीर दे नौजवानें दे भविक्ख गी सनेहा बनाने, गरीबें ते महिलाएं दे अधिकारीं दी राक्खी ते प्रदेश गी विकसित बनाने लेई वचनबद्ध होऐ।

<><><><><><>

Rajouri

जिला चुनां विभाग नै राजौरी जिले दे मतदाताएं गी अपील कीती ऐ जे ओह अज्ज मतदान लेई मतदान केंद्रें पर ओंदे बेल्ले वैध शिनाखती कार्ड अपने कन्नै रक्खन। हर इक योग्य मतदाता गी इस महत्वपूर्ण लोकतांत्रिक प्रक्रिया च हिस्सा लैने दा साद्दा दिंदे होई उनें मतदाताएं गी अपने कन्नै वैध शिनाखती कार्ड रक्खने दी अपील कीती ऐ। इनें दस्तावेजें च वोटर कार्ड, आधार कार्ड, पासपोर्ट, ड्राइविंग लसैंस, पैन कार्ड, फोटू लग्गी दी बैंक पासबुक, दिव्यांगता सरबंधी शिनाखती कार्ड, एम.जी नरेगा जॉब कार्ड, सेहत बीमा स्मार्ट कार्ड, फोटू लग्गे दा पेंशन दस्तावेज ते होर दुए वैध शिनाखती कार्ड शामिल न।



Anti-Dengue

पोंगू दे फैलाव गी रोकने लेई जम्मू नगर-निगम आस्सेया अपने कमिशनर ाक्टर देवांश यादव हुंदी दिक्ख-रिक्ख हेठ खास फागिंग अभियान रम्भेया गेआ ऐ। निगम दे सेहत ते साफ-सफाई ते ट्रांसपोर्ट सीगें आस्सेया इस अभियान लेई खरी मती गिनतरी च अमले ते मशीनें गी कम्मै पर लाया गेआ ऐ ते इनें अभियानें गी हुन दोहरी शिफ्टें च करोआया जा करदा ऐ। कमिशनर होरें लोकें गी अपील कीती ऐ जे ओह साफ-सफाई बनाई रक्खन ते इनें फागिंग अभियानें च बी नगर निगम दा सहयोग करन तां जे पोंगू दे फैला पर काबू पाया जाई सके।



Campaigning Phase III

जम्मू-कश्मीर विधानसभा चुनां दे त्रीए ते खीरी गेइ लेई प्रचार अभियान होर तेज होई गेदा ऐ जेदे तैहत 40 विधानसभा सीटें लेई पैहली अक्टूबर गी वोट पाए जाडन। बक्ख-बक्ख पार्टिएं दे

बड़ो-बड़ो लीडर ते स्टार प्रचारक मते शा मते मतदाताएं गी अपने हक्कै च करने लेई रैलियां, रोड शो ते बैठकां करा करदे न। लोकसीा च विपक्ष दे नेता ते कांग्रेस दे साबका राष्ट्रीय प्रधान राहुल गांधी जम्मू ते कश्मीर दौनें प्रांतें च इक-इक रैली गी संबोधित करडन। पार्टी दे इक्क नेता नै जानकारी दिती ऐ जे जम्मू पुज्जने पर ओह जेके रिजार्ट ग्राउंड च रैली गी संबोधित करडन। एहदे बाद ओह तुरत कश्मीर घाटी लेई रवाना होई जाडन जित्थे ओह बारामुला दे सोपोर च इक होर रैली गी संबोधित करडन। संझा लै ओह दिल्ली परतोई जाडन। इनें चुनावं दी पछोक्कड़ै च राहुल गांधी हुंदा जम्मू-कश्मीर दा एह त्रीया दौरा ऐ। एहदे शा पैहले ओह सुरनकोट, पुंछ, श्रीनगर, बनिहाल ते अनंतनाग च बी पार्टी दे मेदवारें लेई प्रचार करी चुके देन। तोआई बीजेपी दी तरफा पार्टी दे सीनियर लीडर ते गृह मंत्री अमित शाह होर 26 सितंबर गी कठुआ ते उधमपुर च चुनावी रैलिंगं गी संबोधित करडन जिस्सले जे उत्तर प्रदेश दे मुख्मंत्री योगी आदित्यनाथ बी उस्सै रोज 4 चुनां रैलिंगं गी संबोधित करडन। इंदे अलावा रक्षा मंत्री राजनाथ सिंह, नितिन गडकरी ते होर कई केंद्री मंत्री, साबका केंद्री मंत्री ते बीजेपी शासित प्रदेशें दे मुख्मंत्री बी 26 कोला 29 सितंबर दे दरम्यान चुनां प्रचार लेई केंद्र शासित प्रदेश दे दौरे पर औडन। प्रधानमंत्री नरेंद्र मोदी होर 28 सितंबर गी जम्मू दे एम.ए स्टेडियम च इक रैली गी संबोधित करडन।

<><><><><><>

CS RDSS

मुख् सचिव अटल पुल्लु होरें कल बिजली विकास विभाग दी इक बैठक लाइयै नमें सिरेया जान भरे गेदे बं सरबंधी सैक्टर आहली योजना च हासल प्रगति दी समीक्षा कीती। इस मौके

उनें मैहकमे गी आखेआ जे ओह इस महत्वपूर्ण योजना दी अमल-आवरी च समेबद्ध तरीके कन्ने प्रगति हासल करने गिते संजीदगी कन्ने जतन करै। मुख सचिव हों मैहकमे गी इब्बी आखेआ जे ओह कम्में गी बेल्ले सिर तोढ चाढ़ने लेई इक उचित निगरान सरिस्ता तैयार करन। उनें जम्मू ते कश्मीर संभाग च बिजली दी बां सरबन्धी कारपोरेशनें गी आखेआ जे ओह इस गल्लै गी जकीनी बनान जे तय लक्ष्ये गी मित्थे गेदे समे-सीमा दे अंदर गै हासल करी लैता जा। मुख सचिव हों प्रदेश दे बक्ख-बक्ख हिस्सें च स्मार्ट मीटर लाने दी प्रक्रिया दा बी जायजा लैता

